

# Ժողովուրդ

27 փետրվարի ուրբաթ 2026  
տպագրության ԺԵ տարի

20  
(3229)

✉ ք. Երևան, Արուսյան 22ա/3 (0010)

☎ + 374 10 546423

@ info.armlur@gmail.com, info.zhoghovurd@gmail.com

100 դրամ

## ՆՈՐ ԲՐԵԱԿԱՆ ՀԵՏԱՊՆԴՈՒՄ



Երեկ 33 քննչական կոմիտեն հաղորդագրություն տարածեց այն մասին, որ 2008 թվականի մարտի 1-ի դեպքերի առնչությամբ նոր քրեական հետապնդում է հարուցվել նախկին կարկառուն դեմքերից մեկի՝ ոստիկանության քրեական հետախուզության գլխավոր վարչության պետի առաջին տեղակալ Յուրիան Թամանյանի նկատմամբ:

Քննչականի հատկապես կարեւոր գործերի քննության գլխավոր վարչությունում քննվող վարույթի շրջանակում ձեռք բերված փաստական տվյալներով՝ 33 ոստիկանության քրեական հետախուզության գլխավոր վարչության պետի առաջին տեղակալ Յ.Թ.-ն 2008 թվականի մարտի 1-ի վաղ առավոտյան առանց հիմնավորման հանձնարարել է ոստիկանության ծառայողներին բռնություն գործարդել Երևանի Ազատության հրապարակում ընթացող հանրահավաքի մասնակից Է.Ա.-ի նկատմամբ եւ նրան տեղափոխել ոստիկանության կազմակերպված հանցավորության դեմ պայքարի գլխավոր վարչություն:

Ըստ հաղորդագրության՝ ոստիկանության ծառայողները, կատարելով ակնհայտորեն իրենց լիազորությունների շրջանակից դուրս գործողություն, ձեռքբերով եւ ոտքերով բազմաթիվ հարվածներ են հասցրել Է.Ա.-ին՝ պատճառելով կյանքի համար վտանգավոր ծանր վնաս:

Ձեռք բերված տվյալների հիման վրա Յ.Թ.-ի նկատմամբ հարուցվել է հանրային քրեական հետապնդում՝ 2003 թվականի քրեական օրենսգրքի 38-309-րդ հոդվածի 3-րդ մասով (պաշտոնական լիազորություններն անցնելուն դրդելը): 2026 թվականի փետրվարի 25-ին նա ձերբակալվել է՝ դատարան ներկայացնելու նպատակով: Նախաքննությունը շարունակվում է: ⇨ էջ 4

Շարունակությունը՝ ArmLur.am կայքում

Կառավարությունը նոր որոշում է ընդունել՝ սահմանելով հայտարարագրման ոչ ենթակա նվազեցվող եկամուտների տեսակներ ու շեմեր, մասնավորապես հայտարարագրման ենթակա չեն լինի մինչև 1 մլն դրամի միանվագ փոխանցումները: Որոշումը հավանության արժանացավ Կառավարության փետրվարի 26-ի նիստում: «Այս նախագծով առաջարկվում է սահմանել, որ հայտարարագրման ենթակա չեն ստացվող վարկերի գումարները՝ առանց գումարային սահմանափակման, ընտանիքի անդամ չհամարվող ֆիզիկական անձանցից մինչև 1 մլն դրամը միանվագ ստացվող փոխառությունների գումարները, ոչ առևտրային կազմակերպություններից միանվագ մինչև 1 մլն դրամը ներառյալ անհատույց ստացվող ակտիվները, ժառանգության եւ նվիրատվության կարգով ընտանիքի անդամ չհամարվող ֆիզիկական անձանցից միանվագ՝ մինչև 1 մլն դրամ արժեքով ստացվող գույքը, դրամական միջոցները եւ այլն», -ասաց ֆինանսների նախարար Վահե Յովհաննիսյանը:

⇨ էջ 3



33 առողջապահության փոխնախարար Լենա Նանուշյանը, որը համացանցում հրապարակել է ռիլ՝ անդրադառնալով առողջապահության համընդհանուր ապահովագրության թեմային, դժգոհություն է առաջացրել թե՛ մասնագիտական շրջանակներում, թե՛ հենց նախարարությունում: «Ժողովուրդ» օրաթերթի բացառիկ տեղեկություններով՝ տեսանյութում փոխնախարարի անբնագրա ծիծաղն ու ձեռակերպումները մի շարք բժիշկների կողմից ընկալվել են որպես ծաղրական վերաբերմունք համակարգի խնդիրների նկատմամբ: Աղբյուրները պնդում են, որ հրապարակումից հետո առողջապահական համայնքում քննադատական արձագանքներ են հնչել, ինչի հետեւանքով ռիլը կարճ ժամանակ անց հեռացվել է: Իհարկե, մենք ունենք տեսանյութը: Նախարարությունից «Ժողովուրդ» օրաթերթին փոխանցում են, որ ստեղծված իրավիճակը նաեւ ներքին քննարկման առիթ է դարձել: Մեր աղբյուրների պնդմամբ՝ առողջապահության նախարար Անահիտ Ավանեսյանը դժգոհել է հրապարակումից, եւ հենց նախարարի մակարդակով է հորդորվել հեռացնել տեսանյութը: Պաշտոնական հաստատում այս տեղեկության վերաբերյալ առայժմ չկա:

Շարունակությունը՝ ArmLur.am կայքում



Քրեական ոստիկանության թմրամիջոցների անօրինական շրջանառության դեմ պայքարի վարչության ծառայողները ստացել էին օպերատիվ տեղեկություն, որ օտարերկրացի 29-ամյա մի տղամարդ «Տելեգրամ» հավելվածի միջոցով ապօրինի ձեռք է բերում եւ իրացնում թմրամիջոցներ: Քրեական ոստիկանները փետրվարի 20-ին իրացրին տեղեկությունը: Ժամը 11:55-ին Երևանի Թամանյանի փողոցին հարակից տարածքում նրանք ձերբակալեցին տղամարդուն եւ տեղափոխեցին Յամայնքային ոստիկանության Շենգավիթի բաժին: Նրա խուզարկությամբ հայտնաբերվեց սեւ ժապավենով 23 փաթեթ՝ ընդհանուր ավելի քան 56 գրամ քաշով: Ըստ տղամարդու՝ փաթեթներում մեթամֆետամին էր, որը ձեռք էր բերել «Տելեգրամ» հավելվածի միջոցով՝ տարբեր վայրերում տեղադրելով իրացնելու նպատակով: Նախաձեռնվեց քրեական վարույթ, որի շրջանակում կատարված քննչական գործողության արդյունքում տարբեր թաքստոցներում հայտնաբերվեց օտարերկրացու տեղադրած եւս 33 փաթեթ: Հայտնաբերված ընդհանուր քաշն ավելի քան 87 գրամ էր: Տղամարդը կալանավորվել է: Նախաքննությամբ հանգամանքները պարզվում են:



ՔԱՂԱՔԱԿԱՆ

ՔՈՂԱՐԿՎԱԾ ԸՆՏՐԱԿԱՇԱՌՔ

ԴԱՆ-Ը «ԲԱՐԳԱՎԱՃ ՀԱՅԱՍՏԱՆ»-Ի ՀԵՏ

«Գեմոկրատական այլընտրանք» կուսակցությունն օրերս հայտնել է, որ ընդունել է գործարար Գագիկ Ծառուկյանի «Առաջարկ Հայաստանին» ծրագիրը...



«Պարոն Սուրենյանց, Ձեր կուսակցությունը ընդունել է Գագիկ Ծառուկյանի «Առաջարկ Հայաստանին» ծրագիրը, ես համապետական ընտրություններին մասնակցելու է «Բարգավաճ Հայաստան» կուսակցության հետ...

«Քաղաքական դաշտում երեւի մեր կուսակցության որոշումը ամենականխատեսելի է սպասելիներից մեկն էր, բաց տեքստով վերջին 5 տարիներին հայտարարել ենք, որ «Գեմոկրատական այլընտրանք» է «Բարգավաճ Հայաստան» կուսակցությունները ինստիտուցիոնալ համագործակցության մեջ են: Քաղաքական օրակարգում «Առաջարկ Հայաստանին» ծրագիրը ես համարում եմ ամենագրավիչ և զարգացող ծրագիրը, որովհետեւ իր կառուցվածքը շատ կարեւոր է, ինքը ձեւավորվում է ոչ թե վերելից ներքեւ, այլ ներքեւից վերել սկզբունքով, այսինքն՝ նախագծին միավորվող բոլոր ուժերը կամ անհատները իրենք են ձեւավորում համապարփակ այդ ծրագիրը իրենց առաջարկներով: Իմաստը այն է, որ միացող սուբյեկտը առաջինը ծրագրային ներդաշնակությամբ պետք է գա, իսկ հետո ակնկալի արդեն իր տեղը համամասնական ցուցակում կամ թիմում կադրային առումով: Եւ արդեն Գագիկ Ծառուկյանին կոնսուլտացնող գործընթացը, այս ամենը հաշվի առնելով՝ «Գեմոկրատական այլընտրանք» կուսակցությունը պաշտոնապես կայացրեց որոշումը: Ասեմ, որ այդ համագումարին մասնակցել է 650 պատվիրակ:

«Ուղղորդող քաղաքական ուժերի հիմնական խնդիրը իշխանափոխությունն է, ինչի համար այս խնդրի շուրջ միավորում չկա: Ինչի մեկ միասնական ցուցակ:

«Ես ունեմ 33 տարվա քաղաքական գործունեության փորձ, մեկ միասնական ընդդիմության թեզը այն հաշվարկով, որ բոլորս միավորվենք մի ընտրական թի-

մում դա ուտոպիա է, դա չափաատող մի բան է: Նման հաջողված փորձ անգամ աշխարհում չկա:

Ուտոպիա է, ոչ թե վատն են կամ չար են մեր ընդդիմադիր ուժերը, կամ չեն կարողանում կոնստուսի գալ, այլ ընդդիմությունը, ի տարբերություն իշխանության, վերտիկալ չունի, գործադիր իշխանության դեկավարող, որ ցուցում տան՝ ընդդիմադիր բոլոր սեգմենտները իմի գան:

«Արդեն հայտնի դարձավ այն, որ ապրիլի 1-ից կենսաթոշակները 10000 դրամով բարձրացվելու են, ինչի կառավարությունը գնաց այդ քայլին:

«Ակնհայտորեն գործ ունենք նախընտրական լոգիկայի հետ: Ես ուրախ եմ, որ կենսաթոշակը բարձրացրել են, ասեմ ավելին՝ դեռ քիչ են բարձրացրել, եթե պետական ավելորդ ծախսերը կրճատեն, վստահաբար շատ ավելի կարող է այդ գումարը կազմել, բայց հետաքրքիր է՝ ինչը փոխվեց այս մարդկանց ուղեղներում, երեւի այն, որ գիտակցեցին՝ քողարկված ընտրակաշառքին նման բաներ պետք է անեն, որ կարողանան ձայներ հավաքել, որովհետեւ կարելի է ասել ողբերգականորեն գահավիժում է իշխանության վարկանիշը, եւ տեսնում են, որ բավականին ազդեցիկ մրցակիցներ ու-

նեն, եւ հիմա ընտրակաշառք հիշեցնող բաներ կտեսնենք: Ուղղակի ես մեր կենսաթոշակառուներին ասեմ, որ մենք շատ ուրախ ենք նրանց համար, թեկուզ մեզ բոլորիս հետ մրցակցելու հնարավորությունները ավելացնելու համար բարձրացրել են, բայց ո՛ր էին այդ բարձրացումները վերջին տարիներին:

«Կցանկանայի՛ր անդրադառնալիք խաղաղության այս գործընթացին: Իշխանության համար, կարելի է ասել, հիմնական դրոշակը խաղաղությունն է, տեսնում եք քայլեր, որ մինչեւ ընտրություններ խաղաղության նախաստորագրումից քայլ կարվի:

«Ոչ, ես չեմ տեսնում, քանի որ Ալիեւը շատ հստակ նախապայմանը ձեւակերպել է: Հավատացե՛ք, եթե նույնիսկ Սահմանադրությունը փոխվի, հետո ասելու են՝ 300 հազար ադրբեջանցի պետք է գա Հայաստան, իսկ հետո ասելու են՝ էլի մի-նի միջանցքներ պետք է տաք... այն մոդելը, որը պատկերացնում է Նիկոլ Փաշինյանը, իրականում առհասարակ կապ չունի խաղաղության հետ: Իսկ Ալիեւին պետք է մաքսիմումը Հայաստանից կորզել, դրա համար Հայաստանում պետք է գա այնպիսի իշխանություն, որ կարողանա մոդելը փոխել:

Հրոյեց ՆԱՆԻԿ ԱՂԱՍՅԱՆԸ

ՉԻ ԲՈՂՈՔԱՐԿԻ

Ռուբեն Վարդանյանը որոշել է դատավճիռը չբողջարկել: Այս որոշումը չի նշանակում համաձայնություն դատավճիռի հետ եւ չի նշանակում հրաժարում պաշտպանությունից: Սա գիտակցաբար հրաժարում է լեգիտիմացնելու գործընթացը, որն ի սկզբանե կապ չունի արդարադատության հետ: Ռուբեն Վարդանյանի նկատմամբ կայացված դատավճիռը հետո հայտարարել է նրա ընտանիքը:

«Լուսինների ընթացքում կատարվող ոչ թե դատաքննություն էր, այլ բեմականացում: Նիստերն անցկացվել են դռնփակ, անկախ դիտորդներին թույլ չի տրվել ներկա գտնվել, միջնորդություններն անտեսվել են: Դատավճիռի ամբողջական տեքստը դատարանի դահլիճում չի հրապարակվել: Սույն հայտարարության հրապարակման պահին ընտանիքին տրամադրված չի եղել դատավճիռի պաշտոնական, գրավոր տեքստը՝ պատշաճ թարգմանությամբ, ինչն ընթացակարգային եւս մեկ կոպիտ խախտում է ու թույլ չի տալիս նույնիսկ ֆորմալ առումով հասկանալ 20 տարվա ազատազրկման հիմքերը:

Բողոքարկումն իմաստ ունի միայն այնտեղ, որտեղ գոյություն ունի առաջին ատյանի դատարանի սխալներն ուղղելու հնարավորություն: Սակայն երբ խախտումներն ունեն համակարգային բնույթ եւ առնչվում են արդարադատության հիմնարար սկզբունքներին, բողոքարկումը վերածվում է ապօրինի հետապնդումը լեգիտիմացնող եւս մեկ գործիքի», գրված է հայտարարության մեջ:

ՀԵՐԹԱԿԱՆ ԽՄԲԱՔԱՆԱԿԸ

Ադրբեջանից Հայաստան է առաքվում սավթամթերքի հերթական խմբաքանակը: Այս մասին հայտնում է APA-Economics ադրբեջանական լրատվամիջոցը: Ըստ լրատվամիջոցի տեղեկությունների՝ առաքվում է 4 հազար 500 տոննա դիզելային վառելիք:

Հայաստանը 2026թ. հունվարին Ադրբեջանից ներմուծել էր 1000 տոննա A-92 տեսակի բենզին, նույնքան դիզելային էր 1800 տոննա A-95 տեսակի բենզին: Դա Ադրբեջանից Հայաստան ներմուծված վառելիքի երկրորդ խմբաքանակն էր: Վառելիքի առաջին խմբաքանակը ներմուծվել էր 2025թ. դեկտեմբերին: Այդ ժամանակ ներմուծվել էր A-95 տեսակի բենզին՝ 1218 տոննա քաշով:

ԿՐՃԱՏՎԵԼ Է

Հայաստանի արտաքին առեւտրաշրջանառությունն ընթացիկ տարվա հունվարին, 2025 թվականի նույն ամսվա համեմատ, կրճատվել է 12 տոկոսով՝ կազմելով 1 մլրդ 275.7 մլն դոլար: Դեկտեմբերի համեմատ ծավալը նվազել է 49.2 տոկոսով: Այս մասին հայտնում է ՀՀ վիճակագրական կոմիտեն:

2026 թվականի հունվարին արտահանումը համապատասխանաբար 13.5 եւ 55 տոկոսով պակաս է եղել նախորդ տարվա հունվար եւ դեկտեմբեր ամիսների ցուցանիշից՝ կազմելով 463.9 մլն դոլար:

ԱՄՆ դոլարի նկատմամբ հայկական արժույթի փոխարժեքը եղել է 379.98 դրամ:

ՃԱՊՈՆԻԱՅԻ ԴԵՄՊԱՆՆ ԶԱՅԱՍՏԱՆՈՒՄ

Հանրապետության նախագահ Վահագն Խաչատրյանն ընդունել է Հայաստանում ճապոնիայի արտակարգ եւ լիազոր դեսպան Աոկի Յուտակային:

Նախագահը ողջունել է դեսպանին եւ շնորհավորել ճապոնիայի Ազգային տոնի՝ կայսեր ծննդյան օրվա առթիվ՝ մաղթելով ճապոնիայի ժողովրդին բարգավաճում եւ հաջողություններ:

«Շնորհավորում եմ Ձեզ եւ բարեկամ ճապոնիայի ժողովրդին՝ Նորին մեծության ճապոնիայի կայսեր տարեդարձի կապակցությամբ: Մեր երկու երկրների միջեւ դիվանագիտական հարաբերություններ հաստատելուց հետո դրանք զարգացել են երկու հեռայունների վրա՝ ժողովրդավարություն եւ մարդու իրավունքներ: Մենք այն ժամանակ՝ որպես նոր ստեղծվող երկիր, եւ արդեն նաեւ որպես ժողովրդավարական երկիր՝ մեր ճապոնացի գործընկերներից սովորել ենք եւ շարունակելու ենք սովորել,

թե ինչպես շարունակել պայմինել ժողովրդավարական արժեքներին, զարգացնել տնտեսությունը, բարձրացնել երկրի քաղաքացիների կենսամակարդակը», - նշել է նախագահը:

Դեսպան Յուտակային իր շնորհակալությունն է հայտնել ընդունելության եւ բարեմաղթանքների համար:

Հանդիպման ընթացքում քննարկվել են Հայաստանի եւ ճապոնիայի միջեւ գործընկերության հետագա զարգացման ուղիները, ինչպես նաեւ համատեղ նախագծերի իրականացման հնարավորությունները: Հատուկ ուշադրություն է դարձվել քաղաքական, տնտեսական, բարձր տեխնոլոգիաների ոլորտներում փոխգործակցության ակտիվացմանը: Կարեւորվել է նաեւ ճապոնիայի կողմից ցուցաբերված հումանիտար օգնությունը, շեշտվել է արեւմտեական իրավաբանական եւ կառավարման ոլորտներում համագործակցության ընդլայնման

կարեւորությունը: Կողմերը կարեւորել են գյուղատնտեսության ոլորտում համատեղ նախաձեռնությունների իրականացումը, ինչպես նաեւ տարբեր ոլորտներում երկկողմ հարաբերությունների սերտացման եւ նոր ծրագրերի խթանումը:

Երկու կողմերն էլ ընդգծել են բարձր մակարդակի քաղաքական երկխոսության, փոխայցելությունների եւ խորհրդարանական դիվանագիտության զարգացման կարեւորությունը: Բացի այդ, կողմերը փոխանակել են մտքեր տարածաշրջանային խաղաղության եւ ժողովրդավարական ինստիտուտների ամրապնդման վերաբերյալ:

Նախագահ Խաչատրյանը շնորհակալություն է հայտնել ճապոնիայի կառավարությանը եւ իշխանություններին՝ տարածաշրջանում խաղաղության հաստատման գործում շարունակական աջակցության համար:

ԻՐԱՎԻՃԱԿ

ՍՈՒՏ ՑՈՒՑՍՈՒՆՔ

ԴԱՎԻԹ ՍԱՆԱՍԱՐՅԱՆԸ ԱՐԴԱՐԱՑՎԵՑ

ՀՈՒՑՍԵՐ

Հույս ունենք տեսնել իրական փոփոխություններ Հայաստան-Թուրքիա հարաբերություններում, հայտարարել է վարչապետ Նիկոլ Փաշինյանը՝ ընդգծելով տրամադրությունը տարածաշրջանում փոխվում է, լարվածություն չկա: Վարչապետը հավելել է, որ վերջին տարիներին բավականին ակտիվ երկխոսություն կա Թուրքիայի հետ: «Ես մի քանի անգամ հանդիպել եմ նախագահ Էրդողանի հետ: Անցյալ տարի հունիսին առաջին երկկողմ աշխատանքային այց տեղի ունեցավ Թուրքիա, մենք շատ դրական երկխոսություն ունենք, բայց մյուս կողմից իրավիճակը բավական հասունացել է, որպեսզի գործնական քայլի վերածվի: Ինչպես գիտեք, Հայաստան-Թուրքիա սահմանը փակված է 90-ականների սկզբից, եւ մենք հույս ունենք տեսնել սահմանի բացումը, կան նախագծեր տրանսպորտի հետ կապված», -ասել է Փաշինյանը:

ՉԻ ՄԱՍՆԱԿՑԻ

Ադրբեջանի արտաքին գործերի նախարար Ջեյհուն Բայրամովը հայտնել է, որ Հայաստանում կայանալիք Եվրոպական քաղաքական համայնքի գազաթանժողովին Ադրբեջանը չի մասնակցի: Ինչպես հաղորդում է ադրբեջանական APA գործակալությունը, այդ մասին Բայրամովն ասել է լրագրողների հետ ճեպագրույցի ժամանակ: «Ադրբեջանի տարբեր մակարդակներով մասնակցությունը Հայաստանում կայանալիք Եվրոպական քաղաքական համայնքի գազաթանժողովին նախատեսված չէ», -ասել է Բայրամովը: Նա հստակեցրել է, որ Ադրբեջանի նախագահ Իլհամ Ալիևի մայիսի խիտ եւ հազեցած օրակարգում նման այց նախատեսված չէ:

ՆՈՐ ՈՐՈՇՈՒՄ

Կառավարությունը նոր որոշում է ընդունել՝ սահմանելով հայտարարագրման ոչ ենթակա նվազեցվող եկամուտների տեսակներ ու շեմեր, մասնավորապես հայտարարագրման ենթակա չեն լինի մինչև 1 մլն դրամի միանվագ փոխանցումները: Որոշումը հավանության արժանացավ Կառավարության փետրվարի 26-ի նիստում: Նախորդ տարի սահմանվել էր, որ հայտարարագրման ենթակա չեն ընտանիքի անդամներից ստացվող նվազեցվող եկամուտները: Հայտարարատու ֆիզիկական անձի ընտանիքի անդամներ են համարվում նրա ամուսինը, ծնողները, քույրերը, եղբայրները, զավակները, պապերը, տատերը եւ թոռները:

«Այս նախագծով առաջարկվում է սահմանել, որ հայտարարագրման ենթակա չեն ստացվող վարկերի գումարները՝ առանց գումարային սահմանափակման, ընտանիքի անդամ չհամարվող ֆիզիկական անձանցից մինչև 1 մլն դրամը միանվագ ստացվող փոխառությունների գումարները, ոչ առևտրային կազմակերպություններից միանվագ մինչև 1 մլն դրամը ներառյալ անհատույց ստացվող ակտիվները, ժառանգության եւ նվիրատվության կարգով ընտանիքի անդամ չհամարվող ֆիզիկական անձանցից միանվագ մինչև 1 մլն դրամ արժեքով ստացվող գույքը, դրամական միջոցները եւ այլն», -ասաց ֆինանսների նախարար Վահե Հովհաննիսյանը:

ArmLur.am-ը հարց է ուղղել ՀՀ առևտրային եւ սոցիալական հարցերի նախարար Արսեն Թորոսյանին՝ արդյո՞ք ներդրություն չի խնդրելու Դավիթ Սանասարյանից:

Մեր հարցին ի պատասխան՝ Արսեն Թորոսյանն ասաց. «Իրավապահ մարմիններն են որոշում այս կամ այն անձին մեղադրանք առաջադրել կամ չառաջադրել, իսկ դատարանը որոշում է՝ արդարացնել, թե մեղավոր ճանաչել, իսկ դատարանի վճիռը բոլորի համար, ըստ էության, վերջնական ակտ է, եւ այդքանով պետք է սահմանափակվենք, եւ որեւէ մեկին ոչ մի մեղադրանք չեմ առաջադրել»:

ՊՎՃ նախկին պետ Դավիթ Սանասարյանը օրերս հայտարարեց, որ իր դեմ հարուցված քրեական գործով արդարացման վճիռ է հրապարակվել. «Դատարանը հրապարակեց իմ գործով արդարացման վճիռը, որը տեւեց 7 տարի: Դատարանը հստակ արձանագրեց՝ մեղադրանքը հիմնավորված չէր, եւ ինձ արդարացրեց»:

Արսեն Թորոսյանը, ում նախաքննության եւ դատաքննության ընթացքում տված ցուցմունքները հակասեցին իրար, եւ ՔՊ-ական այն մարդիկ, ովքեր ուղղակի կամ անուղղակի ոտնահարում էին անմեղության կանխավարկածը, հիմա պետք է հրապարակայնորեն ասեն՝ «սխալվել ենք»: Շնորհակալություն եմ հայտնում բոլոր քաղաքացիներին, պաշտոնյաներին եւ փաստաբաններին, ովքեր աջակցեցին այս ճանապարհին եւ հավատացին արդարության հաստատմանը»:

Հիշեցնենք, որ 2019-ին Արսեն Թորոսյանը հայտարարել էր, որ ներգրավված է Սանասարյանի իրավական գործընթացում եւ իրեն հայտնի տեղեկատվությունը տրամադրել է հարցերին ի պատասխան:



Հիշեցնենք, որ Դավիթ Սանասարյանին մեղադրանք էր առաջադրվել այն բանի համար, որ նա, հանդիսանալով ՀՀ պետական վերահսկողական ծառայության ղեկավար, ունենալով ծառայության անմիջական ղեկավարումն իրականացնելու, ծառայության աշխատակիցներին նշանակելու եւ ազատելու, կարգապահական տույժի ենթարկելու, վերահսկվող օբյեկտներում ուսումնասիրություններ իրականացնելու հանձնարարագրեր տալու, վե-

րահսկվող օբյեկտներից ծառայության գործառնություններին առնչվող տեղեկություններ եւ փաստաթղթեր պահանջելու լիազորություններ, խմբային շահերից ելնելով, իր պաշտոնական դիրքն օգտագործել է ծառայության շահերին հակառակ, ինչպես նաեւ չի կատարել իր ծառայողական պարտականությունները:

Նշենք, որ Դավիթ Սանասարյանը չէր ընդունել մեղադրանքը եւ հայտարարել էր, որ իր նկատմամբ քաղաքական հետապնդում է իրականացվել:

ՔՍՈՐ ՄԱՆՈՒԿՅԱՆ

ՕՐՎԱ ԽՃԱՆԿԱՐ

ՀԻՄՔ ՉԷ



Նիկոլ Փաշինյանը Վարչապետի հայտարարել է, որ Հայաստանի եւ Ադրբեջանի ընդհանուր տնտեսական շահը կարող է ավելի լուրջ տնտեսական հիմքեր ստեղծել կայունության համար, քան համաձայնագրերն են ու փաստաթղթերը, դա կատարյալ տգետ հայտարարություն է: Այս մասին իր ֆեյսբուքյան էջում ասել է ՀՀ փոխնախագահ Արսեն Աշոտյանը:

«Դա կատարյալ տգետ հայտարարություն է մի մարդու, ով չգիտի պատմություն, քաղաքագիտություն, կամ դիտավորյալ մեզ մոլորեցնում է, այդ դեպքում նա ոչ թե տգետ է, այլ անբարո: Պատմու-

թյունից ու քաղաքագիտությունից մեզ հայտնի են բազմաթիվ դեպքեր, երբ ընդհանուր տնտեսական շահը չի ամրապնդում կայունություն ու խաղաղություն:

Եվրոպական միության տարբեր երկրներում կան ռեգիոններ, որոնք շաղկապված են մայր երկրների տնտեսության հետ, սակայն, օրինակ՝ Կատալոնիայում ու Շոտլանդիայում, դա չի կանխում անջատողական շարժումները եւ անջատողականության ու անկախության ձեռքբերման գերնպատակը: Միջպետական հարաբերություններում նույնպես տնտեսական շահը չի կանխում երկու երկրների միջեւ հնարավոր սրացումներ՝ ընդհուպ պատերազմներ:

Օրինակ՝ Ռուսաստանն ու Ուկրաինան շաղկապված էին շատ խորը տնտեսական կապերով, սակայն դա չկանխեց ուկրաինական պատերազմը: Չկան երկու երկրներ, որոնք ավելի էին շաղկապված, քան Չինաստանն ու ԱՄՆ-ն, սակայն դա չի կանխում լարվածության աճը: Ուղիհանուր տնտեսական շահերը հիմքեր չեն ստեղծում կայունության համար, եթե չկան դրա համար քաղաքական հիմքեր», - նշել է նա:

Աշոտյանը շեշտել է, եթե երկու պետությունները սկսում են բացառապես տնտեսական հիմքով կայունություն կառուցել, ապա առաջանում է վտանգ՝ ուժեղից դեպի թույլ, մեծ փողոթով ավելի աղքատ կամ թույլ երկիր մտնելու հնարավորություն:

Նրա խոսքով՝ Նիկոլ Փաշինյանի հերթական լուրները եւ կեղծ հիմնավորումները մեզ հիմք չեն տալիս մտածելու, որ նա կարող է բերել կայուն խաղաղություն. «Մեզ անվտանգություն է պետք, որից կբխի նաեւ խաղաղությունը, իսկ անվտան-

գությունը շատ ավելի բարդ հասկացություն է, քան միասին աշխատած բեռզինի 10 մանաթը կիսելու հմտությունները»:

ՀԱՐԱՎԱՅԻՆ ԿՈՐԵԱՅԻ ՓՈՐՉԵՐԸ

Հարավային Կորեայի նախագահ Լի Չոն Մյոնը իր օգնականների հետ հանդիպման ժամանակ հայտարարել է ԿԺԴՀ-ի հետ համագործակցության ձգտելու անհրաժեշտության մասին՝ ի հեճուկա Փենյանի կողմից հնչող թշնամական հայտարարությունների:

«Ես հավատում եմ, որ Կորեական թերակղզում կարող է հաստատվել երկարատեւ խաղաղություն եւ կայունություն՝ մշտական հաղորդակցության, երկխոսությանը մասնակցելու եւ համագործակցության ուղղությամբ ջանքերի, ինչպես նաեւ վստահության եւ փոխըմբռնման աստիճանական ամրապնդման օգնությամբ»:

Լի Չոն Մյոնը վստահություն է հայտնել, որ երկու երկրներն էլ պետք է ձգտեն խաղաղության՝ հրաժարվելով այնպիսի գործողություններից, որոնք կարող են հանգեցնել առճակատման եւ պատերազմի: Նա ընդգծել է, որ Սեուլը պետք է խորհի, թե արդյոք «անցյալում ԿԺԴՀ-ի նկատմամբ նվաստացման եւ սպառնալիքների գործողությունները» նպաստել են խաղաղությանը թերակղզում:

Ավելի վաղ Փենյանում տեղի է ունեցել Կորեայի աշխատավորական կուսակցության իններորդ համագումարը, որտեղ ԿԺԴՀ-ի առաջնորդ Կիմ Չոն Անը վճռականորեն մերժել է Հարավային Կորեայի հետ ցանկացած երկխոսություն:


ՎՃԻՌ

# ԳԵՄՊԱՆԻ ԵՂԲԱՅԻՐԸ ԴԱՏԱՊԱՐՏՎԵՑ

Հայսնի դարձավ, որ Արմավիրի մարզի դատարանի դատավոր Հրաչյա Մեխակյանը վճիռ է կայացրել ԱՄՆ-ում ՀՀ դեսպան Նարեկ Մկրտչյանի եղբոր՝ ադյորնի գեներալ Պապեյու Բեռնակյան գործով:

Մեղադրյալ Սկրտիչ Արշակի Սկրտչյանին մեղավոր է ճանաչվել ՀՀ քրեական օրենսգրքի 335-րդ հոդվածի 1-ին մասով նախատեսված հանցանք կատարելու մեջ, եւ նրա նկատմամբ նշանակվել է ազատազրկման ձեռով պատիժ՝ 1 (մեկ) տարի ժամկետով:

1.2. ՀՀ քրեական օրենսգրքի 79-րդ հոդվածի 3-րդ մասով սահմանված կարգով հաշվակցել Սկրտիչ Արշակի Սկրտչյանի՝ 2025 թվականի սեպտեմբերի 03-ից մինչև 2026 թվականի հունվարի 03-ը փաստացի անազատության մեջ գտնվելու 4 (չորս) ամիս ժամկետը, եւ նրա նկատմամբ վերջնական պատիժ սահմանել ազատազրկում՝ 8 (ութ) ամիս ժամկետով: 1.1. ՀՀ քրեական օրենսգրքի 84-րդ հոդվածի կիրառմամբ՝ մեղադրյալ Սկրտիչ Արշակի Սկրտչյանի նկատմամբ ազատազրկման ձեռով նշանակված պատիժը պայմանականորեն չկիրառել՝ սահմանելով փորձաշրջան՝ 1 (մեկ) տարի ժամկետով: Փորձաշրջանի ընթացքում մեղադրյալ Սկրտիչ Արշակի Սկրտչյանի վարքի նկատմամբ վերահսկողությունը հանձնարարել ՀՀ ԱՆ պրոբացիայի ծառայության տարածքային մարմին: Սկրտիչ Արշակի Սկրտչյանի վրա դնել պարտականություն՝ վերահսկողության ընթացքում առանց պրոբացիայի ծառայության համաձայնության չլքել Հայաստանի Հանրապետության տարածքը, իսկ բնակության վայրը փոխելու դեպքում՝ նոր բնակության վայրի հասցեն սեղմ ժամկետում հայտնել պրոբացիայի ծառայությանը:



թյան տարածքը, իսկ բնակության վայրը փոխելու դեպքում՝ նոր բնակության վայրի հասցեն սեղմ ժամկետում հայտնել պրոբացիայի ծառայությանը:

ArmLur.am-ը հայտնել էր, որ ԱՄՆ-ում ՀՀ դեսպան Նարեկ Մկրտչյանի եղբոր՝ Սկրտիչ Արշակի Սկրտչյանի գործը քննում է դատավոր Հրաչյա Մեխակյանը, որը ԱԺ նախկին պատգամավոր Ռուբեն Հայրապետյանի քրոջ որդին է, Արմավիրի նախկին քաղաքապետ Ռուբեն Խլղաթյանի փեսան:

ArmLur.am-ը հայտնել էր նաեւ, որ ԱՄՆ-ում ՀՀ դեսպանի եղբորը մեղադրանք է առաջադրվել ապօրինի զենք պահելու համար: Սկրտիչ Արշակի Սկրտչյանը ձերբակալվել էր օգոստոսի 4-ին: ՀՀ քննչական կոմիտեից ArmLur.am-ին հայտնել էին, որ դեպքի առթիվ նախաձեռնվել է քրեական վարույթ՝ Քրեական օրենսգրքի 335-րդ հոդվածի 1-ին մասով (հրազենի, դրա հիմնա-

կան բաղկացուցիչ մասերի, ռազմամթերքի եւ այլ նյութերի, սարքերի, առարկաների ապօրինի շրջանառությունը), 393-րդ հոդվածի 1-ին մասով (թմրամիջոցների, հոգեմետ (հոգեներգործուն) նյութերի, դրանց պատրաստուկների կամ դրանց համարժեք նյութերի (անալոգի) ապօրինի շրջանառությունն իրացնելու նպատակով կամ դրանք ապօրինի իրացնելը) եւ 396-րդ հոդվածի 1-ին մասով (թմրամիջոցների, հոգեմետ (հոգեներգործուն) նյութերի, դրանց պատրաստուկների կամ դրանց համարժեք նյութերի (անալոգի) կամ պրեկուրսորների ապօրինի շրջանառությունն առանց իրացնելու նպատակի):

Փաստացի նախաքննական մարմինը բավարարվեց միայն ԱՄՆ-ում ՀՀ դեսպանի եղբորը ապօրինի զենք գործով մեղադրյալի կարգավիճակ տալով, իսկ թմրանյութի թեման ծածկադմիկոց արեցին:

ՔՆՆՐ ՍՆՆՈՒԿՅԱՆ

ԲԱՅԱՐԱՅՏՈՒՄ

## ՁԵՐԲԱԿԱԼՎԵԼ Է

ՀՀ քննչական կոմիտեի հատկապես կարեւոր գործերի քննության գլխավոր վարչության խոշտանգումների եւ պաշտոնատար անձանց կողմից բռնություն գործադրելով լիազորությունները չարաշահելու կամ անցնելու հանցագործությունների քննության վարչությունում իրականացվող քրեական վարույթով ձեռք բերված փաստական տվյալներով հաստատվել է, որ ՀՀ ոստիկանության քրեական հետախուզության գլխավոր վարչության պետի առաջին տեղակալ Հ.Թ.-ն առանց որեւէ հիմնավորման, 2008 թվականի մարտի 1-ի վաղ առավոտյան ՀՀ ոստիկանության ծառայողներին հանձնարարել է ծեծի ենթարկել Երեւանի Ազատության հրապարակում իրականացվող հանրահավաքի մասնակից Է.Ա.-ին եւ տեղափոխել ՀՀ ոստիկանության կազմակերպված հանցավորության դեմ պայքարի գլխավոր վարչություն:

Դրանից անմիջապես հետո ոստիկանության ծառայողները կատարել են ակնհայտորեն իրենց պաշտոնական լիազորություններից չբխող եւ դրանց շրջանակից դուրս արարք: Մասնավորապես բռնություն են գործադրել Է.Ա.-ի նկատմամբ՝ ձեռքերով եւ ոտքերով բազմաթիվ հարվածներ հասցնելով նրա մարմնի տարբեր մասերին՝ առողջությանը պատճառելով կյանքի համար վտանգավոր ծանր վնաս:

Նախաքննությամբ ձեռք բերված փաստական տվյալների հիման վրա ՀՀ ոստիկանության քրեական հետախուզության գլխավոր վարչության պետի առաջին տեղակալ Հ.Թ.-ի նկատմամբ հարուցվել է հանրային քրեական հետապնդում՝ 18.04.2003 թվականին ընդունված քրեական օրենսգրքի 38-309-րդ հոդվածի 3-րդ մասով (պաշտոնական լիազորություններն անցնելու դրդելը): 2026 թվականի փետրվարի 25-ին Հ.Թ.-ն ձերբակալվել է՝ դատարան ներկայացնելու համար:

Նախաքննությունը շարունակվում է: Հիշեցնենք, որ «Ժողովուրդ» օրաթերթի տեղեկություններով՝ առաջիկայում «Մարտի 1»-ի քրեական գործի շրջանակում սպասվում են նոր ձերբակալություններ: Մեր աղբյուրները հայտնում են, որ դրանք վերաբերելու են ոստիկանության համակարգի նախկին բարձրաստիճան պաշտոնյաներին, եւ ցանկը միայն երկու անձով չի սահմանափակվելու:

## ԱՊՕՐԻՆԻ

Փետրվարի 17-ին թմրամիջոց ապօրինի ձեռք բերելու եւ իրացնելու վերաբերյալ օպերատիվ տեղեկություն էր ստացվել Քրեական ոստիկանության թմրամիջոցների անօրինական շրջանառության դեմ պայքարի վարչությունում: Նույն օրը մայրաքաղաքի Ամիրյան-Սարյան փողոցների խաչմերուկում քրեական ոստիկանները ձերբակալեցին Երեւանի բնակիչ 35-ամյա տղամարդուն:

Նա տեղափոխվեց Համայնքային ոստիկանության Կենտրոնական բաժին, որտեղ էլ խուզարկությամբ նրա մոտ հայտնաբերվեց հերոինով լցված 14 փաթեթ, որոնց ընդհանուր քաշը կազմեց ավելի քան 8 գրամ:

Տղամարդն ու կազմված փաստաթղթերը ներկայացվել են նախաքննական մարմին: Նախաքննությամբ հանգամանքները պարզվում են:

## ՔՐԵԱԿԱՆ ՔՐՈՆԻԿՈՆ

### ՀԱՆՑԱՎՈՐ ԽՈՒՄԲ

Համակարգչային տեխնիկայի կիրառմամբ հանցավոր գործունեություն իրականացնող անձինք եւ կազմակերպությունները Քրեական ոստիկանության կիբեռնանցագործությունների դեմ պայքարի վարչության օպերատիվ տեսադաշտում են:

Վարչությունում ստացված հեռախոսային օպերատիվ տեղեկությունը մայրաքաղաքի Պարոնյան փողոցի հասցեներից մեկի կիսանկուղային հարկում գործող գրասենյակային նշանակության տարածքում մի խումբ անձանց հանցավոր գործունեության վերաբերյալ էր:

«Կիբեռնանցագործությունների դեմ պայքարի վարչությունում օպերատիվ տեղեկություններ էին ստացվել, որ մի խումբ անձինք, նախնական համաձայնությամբ վարձակալելով Երեւան քաղաքի Պարոնյան փողոցում գտնվող կիսանկուղային գրասենյակային նշանակության տարածքը, այն կախավորել են հատուկ համակարգչային տեխնիկայով եւ դրանցում ներբեռնված հատուկ ծրագրակազմերի կիրառմամբ կատարել նամակագրություն, ինչպես նաեւ հեռախոսազանգեր ունեցել ԱՄՆ-ում բեռնափոխադրման գործընթաց իրականացնող անձանց հետ, որոնց առաջարկել իրականացնել բեռնափոխադրում տարբեր ապրանքների համար: Հիշյալ գործընթացի ընթացքում ենթադրյալ հանցավոր մեխանիզմը կիրառող անձինք իրենց վստահված ուղեբեռը հափշտակել են եւ այն տեղափոխել այլ հասցե, որը հե-

տազայում վաճառվել է տարբեր երկրներում»,- նշել է ՀՀ ՆԳՆ ոստիկանության Քրեական ոստիկանության գլխավոր վարչության կիբեռնանցագործությունների դեմ պայքարի վարչություն բարձր տեխնոլոգիաների կիրառմամբ կատարվող հափշտակությունների դեմ պայքարի բաժնի պետ Վաղինակ Մինասյանը:

Ձեռնարկված օպերատիվ-հետախուզական միջոցառումների արդյունքում պարզվել է ենթադրյալ հանցավոր գործունեությանը զբաղվող անձանց ինքնությունը: Պարզվել է, որ խմբի տարբեր անդամներ պարբերաբար այցելել են նշված հասցե եւ գործունեության դիմաց վարձատրվել կանխիկ՝ ԱՄՆ դոլարով:

Իրականացված միջոցառումների արդյունքներով քննչական կոմիտե է ներկայացվել առերեսույթ հանցագործության մասին հաղորդում: Նախաձեռնվել է քրեական վարույթ: Փետրվարի 20-ին Քրեական ոստիկանության կիբեռնանցագործությունների դեմ պայքարի վարչության ծառայողները Երեւան քաղաքի քննչական վարչության գործընկերների հետ համատեղ, դատարանի որոշմամբ, Երեւան քաղաքի Պարոնյան փողոցի հասցեներից մեկի կիսանկուղային հարկում գտնվող գրասենյակում իրականացրել են անակնկալ խուզարկություն:

«Հայտնաբերվել են տարբեր տեսակի թվային տեղեկություններ ենթադրյալ բեռնափոխադրման գործընթացը կազմակերպելու վերաբերյալ, ինչպես նաեւ բջջային հեռախոսներ, որոնք օգտագործվել են բեռնափոխադրման գործընթացը ապահովելու նպատակով: Հայտնաբեր-

ված ամբողջ համակարգչային տեխնիկական առգրավվել է եւ փոխանցվել է քննչական մարմին՝ հետագա նախաքննական գործողություններ իրականացնելու նպատակով»,- նշել է Վաղինակ Մինասյանը:

Նախաձեռնված քրեական վարույթի շրջանակում 4 անձ ձերբակալվել է: Կատարվում է նախաքննություն:

Քրեական ոստիկանության կիբեռնանցագործությունների դեմ պայքարի վարչությունը համագործակցում է ԱՄՆ իրավապահ մարմինների հետ՝ ենթադրյալ հանցավոր մեխանիզմի վերաբերյալ լրացուցիչ տեղեկություններ ստանալու ուղղությամբ:

### ՁԵՆՔ-ԶԻՆԱՄԹԵՐՔ

Փետրվարի 23-ին ՆԳՆ ոստիկանության օպերատիվ կառավարման կենտրոն զանգահարած քաղաքացին հայտնել էր, որ Նորագավառի ջերմոցների հարակից տարածքում գեղք-զինամթերք է թողել:

Համայնքային ոստիկանության Շենգավիթի բաժնի ծառայողները նշված վայրում հայտնաբերել են «ՏՕԶ» տիպի ակոսափող հրացան, «Ֆ1» տիպի նռնակ՝ պայթուցիչով, տարբեր տիպի եւ տրամաչափի 321 փամփուշտ եւ ծխանուխ:

ՆԳՆ ոստիկանությունը հորդորում է քրեական պատասխանատվությունից խուսափելու համար ապօրինի զենք-զինամթերքը կամավոր հանձնել ոստիկանության:

● Ըստ ոստիկանության տվյալների՝ փետրվարի 24-ից 25-ը բացահայտվել է 168 հանցագործություն, որոնցից 5-ը՝ նախկինում կատարված:

ՀԱՍԱՐԱԿՈՒԹՅՈՒՆ

ՄԱՐԶ

ՄԻՆԱԼՆԵՐԸ ԸՍՏ ԵՆ



Դիլիջանի համայնքապետարանի ինտերնետային կայքում հունվարի 30-ից տեղադրված է հետևյալ տեղեկատվությունը. «ՀՀ Կառավարության կողմից, «300 մանկապարտեզ, 500 դպրոց» ծրագրի շրջանակներում, ամբողջությամբ վերանորոգվում է Դիլիջանի թիվ 1 մանկապարտեզը: Ծրագրի ընդհանուր բյուջեն կազմում է 128.5 մլն դրամ»:

Կառավարության ծրագիրը ոչ թե կոչվում է «300 մանկապարտեզ, 500 դպրոց», այլ «300 դպրոց, 500 մանկապարտեզ»: Առանց այդ էլ կառավարությունը խախտել է այդ ծրագիրը՝ դրանցում ընդգրկված դպրոցների ու մանկապարտեզների թվաքանակի եւ կրթական հաստատությունների շենքերի կառուցման, նորոգման ժամկետների առումով:

Կարող է թվալ, թե Դիլիջանի համայնքապետարանի ինտերնետային կայքում տեղադրված, ծրագրի սխալ վերնագիրը լոկ թյուրիմացություն է: Սակայն այդպես չէ, դա Դիլիջանի ԶՊ՝ ակադեմիայի համայնքապետարանի աշխատակազմի անփույթ, անպատասխանատու գործունեության դրսևորում է:

2021թ. փետրվարի 26-ից Դիլիջան խոշոր համայնքը ղեկավարող, «Քաղաքացիական պայմանագիր» կուսակցության Դիլիջանի տարածքային կազմակերպության ղեկավար Դավիթ Սարգսյանը հունվարի 31-ին «Ֆեյսբուք»-ի իր էջում լուր է տեղադրել Դիլիջանի թիվ 1 մանկապարտեզի վերանորոգման մասին՝ գրելով. ««300 մանկապարտեզ, 500 դպրոց» ծրագրի շրջանակներում ՀՀ կառավարության կողմից վերանորոգվում է Դիլիջանի թիվ 1 մանկապարտեզը»: Այս դեպքում ես համայնքի ղեկավարը սխալ է գրել կառավարության ծրագրի անվանումը՝ խառնելով դրանում ընդգրկված դպրոցների ու մանկապարտեզների թվերը:

Սխալները Դիլիջանի համայնքապետարանի ինտերնետային, պաշտոնական կայքում շատ են: Հունվարի 27-ին կայքում տեղեկատվություն է տեղադրվել այս վերնագրով. «Հունվարի 27-ը հանուն մեր հայրենիքի համար զոհվածների հիշատակի օրն է»: Հանուն հայրենիքի նշանակում է հայրենիքի համար, այսինքն՝ հայրենիքի համար զոհվածների հիշատակի օրվան նվիրված լուրի մեջ կա անհարկի կրկնություն: Համայնքապետարանի ինտերնետային կայքում հունվարի 20-ին, 21-ին եւ 22-ին տեղադրվել են տարբեր նյութեր, դրանք կայքում իրար են հաջորդում, բոլորն էլ ունեն նույն վերնագիրը՝ «Մասնակցային բյուջետավորման գործընթացի մասին»: Դուք ուրիշ վերնագիր չգիտե՞ք:

ՈՍԿԱՆ ՍԱՐԳՍՅԱՆ

ՈՍԿԱՆ ԿՈՒՏԱԿՈՒՄ

ՊԱՏԵՐԱԶՄԻ ՄՊԱՌՆԱԼԻՔ, ԹԵ՛ ԶՆԵՄԱՆ ԳՈՐԾԻՔ

Թեհրանի եւ Վաշինգտոնի միջև վերսկսված միջուկային բանակցությունների ֆոնին Միացյալ Նահանգները վերադասավորել է իր հիմնական ռազմածովային ուժերը Պարսից ծոցում եւ Արաբական ծովում: Այս քայլը որոշ լրացվածից զննահատում են որդես լայնածավալ դաժնագրի նախագահ, սակայն վերլուծաբանների կարծիքով այն կարող է լինել ռազմական ազդանշան բանակցային դիրքերը ամրադնդելու նույնպես:



Կուններ: «Ֆորդ»-ի առաքելությունը տեղի է ավելի քան 240 օր, եւ անձնակազմի հոգնածությունը կարող է ժամանակավորապես ազդել մարտունակության վրա: Ուստի ուժերի կենտրոնացումը գնահատվում է ավելի շատ որպես ուժի ցուցադրություն եւ դիվանագիտական ճնշում, քան անմիջական հարձակման նախապատրաստություն:

Իրանի արձագանքը՝ պաշտպանական պատրաստվածություն եւ դիվանագիտության շեշտադրում

Իրանի պաշտոնյաները արձագանքել են երկակի շեշտադրումներով՝ ընդգծելով թե՛ պաշտպանական պատրաստվածությունը, թե՛ բանակցությունների կարելությունը:

Փոխնախագահ Սոհամադ Ռեզա Արեֆը հայտարարել է, որ Իրանի ռազմավարությունը պատերազմ սկսել չէ, սակայն եթե այն պարտադրվի, թշնամին չի որոշի դրա ավարտը:

Ջինված ուժերի գլխավոր շտաբի պետ, գեներալ-մայոր Սեյեդ Աբդոլբահիմ Մուսավին գոյնացրել է, որ Իրանի դեմ ցանկացած բախում «դաս կլինի» ԱՄՆ նախագահ Դոնալդ Թրամփի համար:

Արտաքին գործերի նախարար Աբբաս Արազնին ընդգծել է, որ դիվանագիտությունը չի կարող հաջողել ռազմական սպառնալիքի պայմաններում եւ հայտարարել է բանակցություններում հակառակորդի ներկայացնելու պատրաստակամության մասին:

Իրանի բանակի գլխավոր հրամանատար, գեներալ-մայոր Աբդոլբահիմ Հաթամին էլ նշել է, որ երկիրը մշտապես հետեւ-

ում է տարածաշրջանում ամերիկյան ուժերի տեղաշարժերին եւ պատրաստ է վճռական պատասխան տալ ցանկացած «սադրանքի»:

Միեւնույն ժամանակ, Իսլամական հեղափոխության պահապանների կորպուսի օդատիեզերական ուժերի հրամանատար, բրիգադի գեներալ Սեյեդ Մաջիդ Մուսավին հայտարարել է, որ ցանկացած սխալ հաշվարկ կստանա «նախորդից ավելի կոշտ» պատասխան:

Թեհրանը շեշտում է նաեւ իր հիպերձայնային հրթիռների (այդ թվում՝ «Fatah-1»), անօդաչու սարքերի հնարավորությունները եւ ավիակիրներ խոցելու ունակությունը՝ միաժամանակ հայտարարելով, որ առաջնահերթությունը օրինական պաշտպանությունն ու դիվանագիտական ուղին է:

Ինչո՞ւ լայնածավալ պատերազմը քիչ հավանական է

Վերլուծաբանների կարծիքով՝ մի շարք գործոններ զսպում են լայնամասշտաբ հակամարտության վտանգը.

- ԱՄՆ-ի համար հնարավոր տնտեսական եւ ռազմական հսկայական ծախսերը,
- Իրանի պատասխան հարվածի կարողությունը տարածաշրջանում տեղակայված ամերիկյան բազաների դեմ,
- Էներգետիկ շուկաների ապակայունացման ռիսկերը եւ դաշնակիցների մտահոգությունները,
- ԱՄՆ-ի նախկին երկարատե պատերազմների բացասական փորձը:

Այսպիսով, Պարսից ծոցում է Միջերկրական ծովում տեղի ունեցող զարգացումները փորձագետների գնահատմամբ ավելի շատ դիվանագիտական «շախմատի» քայլեր են, քան պատերազմի անմիջական նախապատրաստություն:

Վաշինգտոնը փորձում է ուժի առավելագույն ցուցադրությամբ ամրապնդել իր դիրքերը բանակցություններում, մինչդեռ Թեհրանը համարում է բարձր պաշտպանական պատրաստվածությունն ու դիվանագիտական ուղին՝ պաշտպանելով իր ազգային անվտանգությունն ու շահերը:

ՆԱՏԱ ԿԱՐՈՒՄՅԱՆ

ՄՈՑԻԱԿԱՆ-ՔԱՂԱՔԱԿԱՆ

ՀԵՌԱՑԵԼ ԵՆ

Բահրեյնի բազայում գտնվող ամերիկյան նավերի մի խումբ լքել է տարածքը՝ ուղղվելով Պարսից ծոցի ջրեր: Ինչպես տեղեկանում ենք «Ինտերֆաքս» գործակալությունից, այդ մասին հաղորդում է The Associated Press-ը՝ վկայակոչելով ամերիկյան Planet Labs ընկերության արբանյակային լուսանկարները, որոնք արվել են փետրվարի 25-ին: Մերձավոր Արեւելքում ԱՄՆ-ի զինված ուժերի կենտրոնական հրամանատարությունը (CENTCOM) հրաժարվել է մեկնաբանել իրադրությունը: The Associated Press-ը հիշեցնում է, որ անցյալ տարվա հունիսին Քաթարի վրա Իրանի գրոհից առաջ ամերիկյան 5-րդ նավատորմը նմանօրինակ ձեռով իր նավերը դուրս էր բերել բազայից եւ տարակենտրոնացրել ծովում՝ հնարավոր հարձակումից պաշտպանվելու համար:

ԱՄՆ-ի ռազմածովային ինստիտուտի տեղեկատվական ծառայության տվյալներով՝ Պարսից ծոցի արեւելյան մասում, Հորնոուզի նեղուցի մերձակայքում, շարունակվում են գտնվել ամերիկյան USS Mitscher եւ USS Michael Murphy հրթիռային էսկադրային ականակիրները եւ ափամերձ գո-

տու USS Canberra մարտանավը: Դրանց գտնվելու վայրի որեւէ փոփոխության մասին տվյալներ չկան: Մինչդեռ ավելի վաղ ափամերձ գոտու երկու մարտանավն էլ USS Tulsa-ն եւ USS Santa Barbara-ն, արդեն դուրս են բերվել Պարսից ծոցից:

ԳԻՎԱՆԱԳԻՏԱԿԱՆ ՀԱՆՍՊԱՐԿ

Միացյալ Նահանգների պետքարտուղար Մարկո Ռուբիոն հայտարարել է, որ Ուկրաինան կարողացել է շուրջ չորս տարի դիմանալ Ռուսաստանի դեմ պատերազմին ԱՄՆ կողմից Կիեվին տրամադրած ու վաճառած զենքերի, ինչպես նաեւ ամերիկյան կողմի հետախուզական տվյալների ու այլ աջակցության շնորհիվ: ԱՄՆ պետքարտուղարը նշել է, որ ռուս-ուկրաինական պատերազմը չի կարող ռազմական լուծում ունենալ: «Պատերազմը կարգավորվելու է բանակցությունների միջոցով: Եւ հիմա մենք միակ երկիրն ենք աջակրհում, որը կարող է լինել բանակցությունների կատարիչը: Եթե մենք հրաժարվենք այդ դերից, ոչ ոք չի կարող դա անել», - ասել է Ռուբիոն լրագրողների հետ զրույցում:

Նա ընդգծել է, որ այս հարցում ԱՄՆ նախագահի համբերությունն անսահման չէ: «Սակայն ես չեմ պատրաստվում կանխատեսել, թե երբ է այն սպառնալիք կամ որ պահին նա կորոշի այլեւ չանել դա: Կարող եմ ձեզ ասել, որ նա խորը հիասթափություն է ապրում, որ սա (խմբ. պատերազմը) դեռ չի ավարտվել, քանի որ նա այն համարում է լիովին անիմաստ պատերազմ, որի ընթացքում ամեն շաբաթ մարտի դաշտում զոհվում է 7000-8000 զինվոր», - ասել է Ռուբիոն՝ ընդգծելով, որ կատարվող գործողությունները հսկայական վնաս են հասցնում ինչպես Ռուսաստանին, այնպես էլ Ուկրաինային, որտեղ ամեն օր ավելի ու ավելի շատ ավերածություններ են լինում, որոնց վերականգնման համար երկար տարիներ են պահանջվելու:

ԱՄՆ պետքարտուղարը նշել է, որ ամերիկյան կողմը մեծ ջանքեր է գործադրում հակամարտության դադարեցման նպատակով: «Կարծում եմ, որ մենք առաջընթաց ենք գրանցել խնդիրների շրջանակի ներդրման հարցում, բայց կարծում եմ նաեւ, որ որոշ խնդիրներ դեռեւս մնում են, որոնք, ցավոք, շատ-շատ դժվար են», - ասել է նա:

● Ըստ ՃՏՊ վիճակագրության՝ փետրվարի 24-ից 25-ը գրանցվել է 9 ավտովթար. 2 մարդ մահացել է, 13-ը՝ ստացել տարբեր աստիճանի մարմնական վնասվածքներ:



ՄԵԾ ՊԱՅՔ

ԵՐԿՐՈՐԴ ԿԻՐԱԿԻՆ՝ ԱՐՏԱՔՄՄԱՆ

Արտաքսման կիրակիի եւ ցրա անվան ծագման մասին Ասվածաճեղի Ծննդոց գրքում գրված է. «...եւ արսաքսեց ցրան Ասված Եղեմի դարեգից, որդեսգի մեակի հողը, որից եւ ստեղծվել էր» (Ծննդ. 3:23): Այն հիշեցնում է Ադամի դրախտից արսաքսումը՝ իր անհնազանդության դասճառով: Արտաքսման կիրակիին նաեւ մեղքի ու մահվան դատաքնության ճառակման մասին է:



Արտաքսման կիրակիի նախապատմությունը հետեւյալն է. Ադամը, որ տվյալ դեպքում խորհրդանշում է ողջ մարդկությանը, ունկնդիր լինելով սատանայի խաբեբայական խոսքերին, պատվիրազանց գտնվելով, համտեւեց արգելված պտուղը: Որպես պատիժ՝ մարդն, իհարկե, անմիջապես չմահացավ, սակայն գրկվեց Աստծո կողմից շնորհված անմահությունից եւ անհծվեց: Այսուհետ, մարդն իր քրտինքով պետք է վաստակի օրվա հացը, եւ կինը պետք է ցավով ու տառապանքով զավակ ունենա եւ վերջում էլ ասվեց նրան՝ «...հող էիր եւ հող կդառնաս» (Շննդ. 3:19):

դրա բաղադրությունը: Եթե այն պատուհաստելիս կիրառվել են կենդանական ծագման հավելումներ, ապա հացը Պահքի ընթացքում կիրառելի չէ: Ինչ վերաբերում է խմորիչներին՝ դրանք բուսական ծագման են եւ չեն խախտում պահեցողության ընթացքը:

Մեծ Պահքը տեւում է 48 օր՝ Բուն Բարեկենդանից մինչեւ Սուրբ Հարության տոն (Ջատիկ): Պահքի շրջանում օգտագործում են բացառապես բուսական ծագում ունեցող սննդամթերք:

Միշտ հիշեք. Պահքի ընթացքում հրաժարվում են ոչ միայն որոշակի կերակուրներից, այլեւ մոլի սովորություններից, շատախոսությունից, ստախոսությունից, հայիոյանքից եւ այլ մեղքերից: Կերակրից հրաժարվելն առանց մեղքից հետ կանգնելու՝ անիմաստ ու անօգուտ է, որովհետեւ «սատանան միշտ պահքի մեջ է, ոչինչ չի տրոհում, բայց մեղք գործելուց չի դադարում եւ չի հոգնում» (Սուրբ Գրիգոր Տաթևացի):

Միշտ հիշեք. Պահք պահում ենք մենք մեզ համար, մեր մեղքերից, վատ սովորություններից ազատվելու համար, այլ ոչ ցուցադրության համար: Մատթեոս 6:16-18-ում գրված է. «Երբ ծոմ պահեք, տրտմեղես մի լինեք կեղծավորների նման, որոնք իրենց երեսներն այլանդակում են, որպեսզի մարդկանց այնպես երեւան, թե ծոմ են պահում, ճշմարիտ են ասում ձեզ, այդ իսկ է նրանց վարձը, այսինքն՝ մարդկանց երեսալը եւ նրանցից գովվելը: Այլ երբ դու ծոմ պահես, օծի քո գլուխը եւ լվա քո երեսը, որպեսզի չերեւաս մարդկանց ծոմ պահող, այլ քո Հորը, զաղտնաբար, եւ քո հայրը, որ տեսնում է, ինչ որ ծածուկ է, կհատուցի քեզ»:

ՆԱՆԿ ՄՈՍՅԱՆ

ԼՈՒՐԵՐ

ՋԵՅՄՍ ԲՈՆԴԻ ՄԱՍԻՆ ՖԻԼՄԸ

Daily Mail-ի փոխանցմամբ՝ Ջեյմս Բոնդի մասին նոր ֆիլմի նկարահանումները, ըստ լուրերի, կսկսվեն այս տարվա վերջին, եւ ներքին աղբյուրները պնդում են, որ լեգենդար 007-ի մասին նոր ֆիլմի մասին շուտով կհայտարարվի: Երկրպագուները ակտիվորեն ենթադրություններ են անում այն մասին, թե ով կհազնի սպանության լիցենզիա ունեցող գործակալի պաշտամունքային կոստյումը: Ներկայումս 28-ամյա Ջեյմս Էլորդին բուքմեյքերների ֆավորիտն է: «Փոթորկոտ բարձունքներ» ֆիլմի աստղ Ջեյմս Էլորդին վերջին շաբաթներից կայուն կերպով ամրապնդել է իր դիրքերը հաջորդ Բոնդի դերը խաղալու մրցակցազուրկ: Նախկինում բուքմեյքերները նրա գործակիցը սահմանում էին 14/1, սակայն «Փոթորկոտ բարձունքներ»-ի հաջող թողարկումից հետո նրա գործակիցները կտրուկ աճել են մինչեւ 5/4՝ գերազանցելով նախկին ֆավորիտ Քալում Թըրներին: Այս դերի համար այլ հավակնորդների թվում են Աարոն Թեյլոր-Ջոնսոնը, Թեո Ջեյմսը, Էնթոնի Բոյլը եւ Հարիս Դիքինսոնը: 25 ֆիլմից, վեց 007 դերասաններից եւ աշխարհի գերիշխանության անթիվ փորձերից հետո, երկարամյա Բոնդի դերակրի պրոդյուսերներ Բարբարա Բրոկոլդին եւ Մայքլ Զ. Ուիլսոնը անցյալ տարվա փետրվարին վաճառեցին հայտնի լրտեսական սերիալը Amazon MGM-ին՝ ռեկորդային 1 միլիարդ ֆունտ ստեռլինով: Ներքին աղբյուրների տվյալներով՝ հաջորդ ֆիլմի

նկարահանումները նախատեսված են այս տարվա աշնան վերջին կամ ձմռան սկզբին:

ՎԱՏԻ ԵՎ ՕՐԻԳԱՄԻՒ ԱՐՎԵՍՏԸ ԵՐԵՎԱՆՈՒՄ

Երբեմն պատմությունը պահպանվում է ոչ թե քարի կամ բրոնզի, այլ բարակ թղթի վրա, որը գոյատևում է դարերի ընթացքում եւ շարունակում է կրել մարդկային ձեռքերի հետքերը: Ծապրնիայում դեռես պահպանվում է 702 թվականի փաստաթուղթը՝ ձեռագործ թերթ, որը գոյատևել է տասներեք դար եւ մնացել է անվնաս: Այս ավանդույթը կարելի է զգալ նաեւ այսօր Երեւանում. փետրվարի 24-ից մարտի 6-ը Հենրիխ Իգիթյանի անվան գեղագիտության ազգային կենտրոնը հյուրընկալում է Հայաստանում ճապոնիայի դեսպանատան կողմից կազմակերպված ցուցահանդես՝ նվիրված վաշի պատրաստման արվեստին եւ օրիգամիի հին պրակտիկային, որը բացահայտում է նյութի նկատմամբ հարգանքի, համբերատարության եւ ճշգրտության փիլիսոփայությունը: Կաշը մի ժամանակ օգտագործվել է գրքերի եւ կարտոն փաստաթղթերի համար, ճապոնական տներում՝ միջնապատերի եւ դռների համար, ինչպես նաեւ նկարչության եւ դեկորատիվ արվեստում: Այսօր այն կարելի է գտնել նաեւ ժամանակակից դիզայնում, նորաձեւության մեջ

եւ ինտերիերներում: Ավելին, այն էկոլոգիապես մաքուր է, քանի որ պատրաստված է բնական նյութերից: Հետաքրքիր է, որ վաշը նաեւ օգնում է պահպանել հայկական ժառանգությունը: 2001 թվականին Ճապոնիան ձեռագրերի վերականգնման սարքավորումներ է նվիրաբերել Մատենադարանի հին ձեռագրերի ինստիտուտին: Ծապրնական թուղթը օգտագործվում է հին ձեռագրերի վերականգնման, վնասված էջերի ամրացման եւ դրանց կյանքը երկարացնելու համար: Այսպիսով, մեկ ավանդույթը նպաստում է մյուսին: Հայ նկարիչներն ու մանկավարժները, որոնք զարգացնում են օրիգամիի արվեստը Հայաստանում, մասնակցել են ցուցահանդեսի կազմակերպմանը եւ բացմանը: Նրանց թվում էին Հենրիխ Իգիթյանի անվան ազգային գեղագիտության կենտրոնի ուսուցչուհի եւ «Հիկարի» կենտրոնի նախագահ Կարինե Փիլիպոսյանը, այս տեխնիկան կիրառող Արթուր Կարապետյանը, օրիգամիի մասին դասավանդող Արմինե Ազիզբեկյանը, ինչպես նաեւ թղթի ծավալն արվեստն օգտագործող Ջեմֆի Եգանյանը եւ Շուշանիկ Ալեքսանյանը, որոնց աշխատանքներից բացի, ցուցահանդեսում ներկայացված են նաեւ մանկական թեմատիկ հավաքածուներ, ինչպիսիք են «Թիթեռներ եւ ձկներ»-ը, ինչպես նաեւ «Հիկարի» հայ-ճապոնական գիտակրթական եւ մշակութային կենտրոնի ուսանողների աշխատանքները՝ կենդանիների, ծաղիկների եւ ավելի բարդ կոմպոզիցիաների պատկերներով, որոնք նվիրված են ճապոնական պատմությանն ու մշակույթին:

ՄԱՐԶԱԿԱՆ

ՄԲԱՊԵՆ ՉԻ ՄԱՍՆԱԿՑԻ

Իսպանիայի չեմպիոն եւ Չեմպիոնների լիգայի գավաթակիր Մադրիդի «Ռեալը» ներկայացրել է հայտացուցակը պորտուգալական «Բենֆիկայի» դեմ պատասխան հանդիպմանը Չեմպիոնների լիգայի անցումային փլեյ-օֆֆում: Ֆրանսիացի հարձակվող Կիլիան Մբապեի հայտացուցակ չի ընդգրկվել եւ բաց կթողնի խաղը: Ավելի վաղ հայտնի էր դարձել, որ «Բենֆիկայի» դեմ նախախաղային մարզմանը 27-ամյա ֆուտբոլիստը ծախս ծնկի վնասվածք է ստացել, որի պատճառով մարզումն անավարտ է թողել: «Ռեալ»-ի կազմը. Դարպասապահներ՝ Կուրտուա, Լուկին, Ֆրան Գոնսալես: Պաշտպաններ՝ Կարվախալ, Ալբար, Տրենդ, Ասենսիո, Կարերասը, Ֆրան Գարսիա, Ռյուդիգեր, Ֆերլան Մենդի: Կիսապաշտպաններ՝ Կամավինգա, Վալվերդե, Տչուամենի, Կեստերո, Գյուլեր, Մանուել Անգել, Պալաջոս, Տիագո: Հարձակվողներ՝ Կինիսիուս Ժունյոր, Գոնսալո Տորես, Բրահմ, Մաստանտունո: Գլխավոր մարզիչ՝ Ալվարո Ալբերա: Չեմպիոնների լիգայի անցումային փլեյ-օֆֆի «Ռեալ» - «Բենֆիկա» պատասխան հանդիպումը տեղի կունենա փետրվարի 25-ին Մադրիդի «Սանտյագո Բերնաբեու» մարզադաշտում եւ կմեկնարկի Երեւանի ժամանակով կեսգիշերին:

«ԱՐԱՐԱՏ»-Ի ՆՈՐԵԿՆԵՐԸ

Երեւանի «Արարատ»-ին են միացել երիտասարդ նիգերիացի ֆուտբոլիստներ Չիմերիե Ուկադիկեն, Օկեչուկվու Չուկվուն եւ Փրինս Օբինան: Այս մասին հայտնում է ակումբի մամուլի ծառայությունը: Չիմերիե Ուկադիկեն ծախս պաշտպան է: Նա «Արարատ»-ում հանդես կգա 32 համարի մարզաշապիկով: Օկեչուկվու Չուկվուն հանդես է գալիս կենտրոնական կիսապաշտպանի դիրքում: Կիսաղա 6 համարով: Փրինս Օբինան եզրային կիսապաշտպան է եւ կխաղա 14 համարի մարզաշապիկով: Ֆուտբոլիստներն «Արարատ» են տեղափոխվել նիգերիական «Գոլդեն Բուր» ակումբից:

«ԻՆՏԵՐ»-Ը ԳՈՒՐՍ ՄՆԱՅ

Միլանի «Ինտեր»-ը դուրս մնաց ֆուտբոլի Չեմպիոնների լիգայից: Չեմպիոնների լիգայի անցումային փլեյ-օֆֆի պատասխան խաղում «Ինտեր»-ը մրցեց նորվեգական «Բուդոյ-Գլիմտ»-ի հետ ու զիջեց 1:2 հաշվով: «Ինտեր»-ի կազմում միակ գնդակը խփեց Ալեսանդրո Բաստոնին, իսկ մրցակցի կազմում աչքի ընկան Իեսս Պետեր Զոյգեն ու Հոկոն Էվին: Հայաստանի ֆուտբոլի ազգային թիմի նախկին ավագ Հենրիխ Մխիթարյանը «Ինտեր»-ի պահեստայինների շարքում էր եւ այդպես էլ դուրս չէկավ խաղադաշտ: Թիմերի առաջին խաղում եւս հաղթել էր «Բուդոյ-Գլիմտ»-ը՝ 3-1 հաշվով:

● Փետրվարի 27-ին՝ ժամը 19:30-ին, Հ. Պարոնյանի անվան երաժշտական կոմեդիայի պետական թատրոնում տեղի կունենա «Իմ կնոջ ամուսինը» ներկայացումը:



ՍՈՑԻԱԼԱԿԱՆ

**ՀԱՐՑ. Հեաբրբիբ է իմանալ՝ եթե ՀԿ-ն ֆիզիկական անձին կրթաթուղտ է սալիս, արդյո՞ք եկամտային հարկի դարձվորություն առաջանում է, թե ոչ:**

Կառլեն Սիրադեղյան (52 տարեկան)



**ՊԱՏԱՍԽԱՆ.** Հայտնում ենք, որ «Եկամտային հարկի մասին» Հայաստանի Հանրապետության օրենքի 6-րդ հոդվածի 1-ին մասի 18 կետի համաձայն՝ նվազեցվող եկամուտներ են համարվում բարձրագույն ուսումնական հաստատությունների ուսանողներին, ասպիրանտներին, միջնակարգ-մասնագիտական ու պրոֆեսիոնալ-տեխնիկական ուսումնական հաստատությունների սովորողներին, հոգեւոր ուսումնական հաստատությունների ունկնդիրներին պետության կողմից վճարված կրթաթոշակները, ինչպես նաեւ այն կրթաթոշակները, որոնք նրանց համար նշանակում են այդ ուսումնական հաստատությունները կամ նշված հոդվածի 1-ին մասի 14-րդ եւ 15-րդ կետերում նշված կազմակերպությունները:

**ՀՀ պետական եկամուտների կոմիտե**

**«ԺՈՂՈՎՈՒՐԳ».** Այսինքն՝ ՀԿ-ի կողմից ֆիզիկական անձին նշանակված կրթաթոշակը նվազեցվող եկամուտ է հանդիսանում, եւ եկամտային հարկի պարտավորություն չի առաջանում:

Էջը՝ ԳՐԵՏԱ ՍՈՐՈՍՈՆՅԱՆԻ

ՀԱՍՏԱՏՈՒԹՅՈՒՆ

**ՀԱՐՑ. Ինչպե՞ս ընդգրկվել որակավորված ներքին աուդիտորների ցանկում:**  
Մերթանսիկ Ստեփանյան (46 տարեկան)

**ՊԱՏԱՍԽԱՆ.** «Ներքին աուդիտի մասին» ՀՀ օրենքի 13-րդ հոդվածի 4-րդ մասի 5-րդ կետով նախատեսված ցանկում ընդգրկվելու նպատակով ՀՀ ֆինանսների նախարարություն կարող են դիմում ներկայացնել այն անձինք, որոնք ունեն Հայաստանի Հանրապետությունում ներքին աուդիտի ոլորտում ընդունելի միջազգայնորեն ճանաչված հետեւյալ որակավորումներից առնվազն մեկը՝

- 1) ներքին աուդիտորների միջազգային ինստիտուտի կողմից իր կրթական ստանդարտներին համապատասխան անցկացված քննությունների արդյունքում տրված ներքին աուդիտորի որակավորումը (Certified Internal Audit- CIA) կամ հանրային հատվածի աուդիտորի որակավորումը (Certified Government Auditing Professional - CGAP Professional - CGAP),
  - 2) որակավորված երոկյալ հաշվապահների ասոցիացիայի (ACCA) կողմից անցկացված առնվազն բազային (ֆունդամենտալ) 9 քննության (F1-F9) արդյունքում տրված հաշվապահ-աուդիտորի որակավորումը,
  - 3) հանրային ֆինանսների եւ հաշվապահության արտոնագրված ինստիտուտի (Chartered Institute of Public Finance Accountancy: CIPFA) կողմից տրված որակավորումը,
  - 4) որակավորված հանրային հաշվապահների ամերիկյան ինստիտուտի (American Institute of Certified Public Accountants) կողմից տրված հանրային հաշվապահի որակավորումը (CPA):
- Հայաստանի Հանրապետությունում ներքին աուդիտի ոլորտում ընդունելի այլ կառույցների կողմից տրված հետեւյալ որակավորումներից առնվազն մեկը՝
- 1) «Աուդիտորական գործունեության մասին» Հայաստանի Հանրապետության օրենքի համաձայն տրված աուդիտորի որակավորումը,
  - 2) Հայաստանի Հանրապետության հաշվապահների եւ աուդիտորների ասոցիացիայի (ՀՀԱԱ) կողմից տրված աուդիտորի որակավորումը:

**ՀՀ ֆինանսների նախարարություն**

**«ԺՈՂՈՎՈՒՐԳ».** Նշենք, որ դիմումին կից պետք է ներկայացնել՝ 1. անձնագրի պատճենը, 2. համապատասխան որակավորումը հավաստող փաստաթղթի պատճենը, հայտարարություն:

ԼՈՒՐ ԿԱԴՐ

Լուսանկարը armenpress-ից



Սիմոն Աբգարյանի «Պենելոպե, օ՛, Պենելոպե» ներկայացման պրեմիերան Համազգային թատրոնում:

ԲԱԺԱՆՈՐԴԱԳՐՈՒԹՅՈՒՆ

Մեր թերթը  
Բաժանորդագրվելու  
համար կարող եք դիմել



**«Հայկոստ» ՊՓԲԸ**  
հեռ. 51-45-46, 51-45-47

**«Բլից-Մեդիա» ՍՊԸ**  
հեռ. 52-53-01

Առաքումը՝ ԱՆՎՃԱՐ:

Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), եւ մենք անպայման կանդադարաւանք ձեր բարձրագրած բոլոր խնդիրներին:

**ԱՌԱՋԱՐԿ**  
**հայկական տպագիր մամուլից**

«Ժողովուրդ» օրաթերթին բաժանորդագրվելու համար կարող եք լրացնել հետեւյալ բլանկը:  
Ամեն օր թերթը կհասնի ձեր նախընտրելի վայր:

**Բաժանորդագրության բլանկ**

Անուն՝ \_\_\_\_\_  
Ազգանուն՝ \_\_\_\_\_  
Առաքման հասցե՝ \_\_\_\_\_  
Բջջային եւ/կամ քաղաքային հեռախոս՝ \_\_\_\_\_

ԵՂԱՆԿԻ ՏԵՍՈՒԹՅՈՒՆ



Շիրակ	-2 - 6 -3 + 1	Արարատ	0 + 3 +2 + 4
Կոտայքի լեռներ	-1 - 5 -2 + 1	Արմավիր	0 + 3 +3 + 5
Կոտայքի նախալեռներ	-1 + 2 +1 + 4	Վայոց ձորի լեռներ	-2 - 5 -3 + 1
Գեղարքունիք	-1 - 5 -2 + 1	Վայոց ձորի նախալեռներ	0 + 3 +2 + 5
Լոռի	0 - 4 -3 + 1	Սյունիքի լեռներ	-2 - 5 0 - 3
Տավուշ	0 - 3 -2 + 1	Սյունիքի նախալեռներ	0 - 4 -2 + 1
Արագածոտնի լեռներ	-1 - 5 0 - 3	Սյունիքի հովիտներ	+1 + 4 +2 + 6
Արագածոտնի նախալեռներ	-2 + 2 +1 + 4	Երեւան	+1 + 3 +3 + 5

Լրատվական գործունեություն իրականացնող՝  
«Ժողովուրդ թերթի խմբագրություն» ՍՊԸ  
Հասցեն՝ ք. Երեւան, Աբովյան 22՝/3, հեռ՝ 010 54-64-23  
Պետական գրանցման վկայականի համարը՝ 03U089086  
տրված է 24.11.2010  
Ստորագրված է տպագրության 26.02.2026  
Տպաքանակ՝ 3968

Գլխավոր խմբագիր՝  
**ՔՆԱՐ ՄԱՆՈՒԿՅԱՆ**

Տպագրված է «ԳԻՆՂ» տպարան ՍՊԸ հրատարակչությունում  
խմբագրություն հանձնված նյութերը չեն գրախոսվում եւ  
չեն վերադարձվում, Գ նշանով նյութերը գովազդային  
հրապարակումներ են, որոնց համար խմբագրությունը  
պատասխանատվություն չի կրում:

«Ժողովուրդ» օրաթերթում հրապարակված նյութերը արտատպելիս  
կամ ընթացիկ մեջբերումներ անելիս պետք է պարտադիր գրառել  
հետեւյալ նախադասությունը. «Շարունակությունը կարող էք կարդալ  
«Ժողովուրդ» օրաթերթի այսօրվա համարում»: